

## 12. THU UM MI KHEMPEUH KHASIANGTHO TAWH KIDIM DING AHI HI

a) **Laisiangtho bulphuhte:** Acts 2:38-39; Lk. 11:9-13;  
Jn. 7:37-39; Eph. 5:18

### b) **Thupatna**

I Topa Zeisu Khasiangtho tawh kidim a kikap leh (Lk. 4:1,14). nungzuite kikap in (Acts 2:2-4). Paul kikap a, (Acts 9:17). eite zong kikap hihang. Hih pen Christian khat suahna leh, i gupkhatna kiciatna ding a Khasiangtho tawh ciapteh na ciangbek hilo hi (Eph. 1:13-14). Zeisu zong Khasiangtho tawh kigai sak hi (Matt. 1:18).Tua bang in a nuntak sung tawntung a sungah Khasiangtho nei napi, a pa in a sawlna thu a tangtun sak nading in Khasiangtho tawh kidimna aihkeh Khasiangtho tawh kiphum na kikap hi. Hih pen Jordan gun ah tui a phum laitak in hong piang hi (Lk. 3:21-22). Zeisu in a nungzuite tungah a muut ciang Khasiangtho ngah uh hi (Jn. 20:22). Ahizong in a nasep uh a kipat ma un Khasiangtho tawh kiphumna a ngah nadinguh a ngak dinguh kigen hi.(Acts 1:4-5). A tung vuah Khasiangtho hong pai na (Acts 1:8). Khasiangtho ngah na (Acts 8:17). Khasiangtho buahna (Acts 10:45),te kihel hi. Hih pen a thupi ciaptehna hilo a, ahizong in Pasian deihna bang a hong sem theisak leh Topa Zeisu Khazih nungzui mante i hih theih nading a a piang tak tak hi.

Khatvei dipna ngah in tua bang a nusiap cip ding hilo hi cih phawk ding ahi hi. A kizom paisuak a kidim ding kikap hihang (Eph. 5:18). Nungzui masate a tawmpen in nihvei kidim hi (Acts 2:1-4; Acts 4:31).

### c) **Tuidawanna hai gentehna**

I nuntaknate pen tuidawanna hai (glasses). tawh kibang hi, tuate pen kidim in kizangh hi. Pasian a len cip dingin eite hong kipiangsak hi. Hih leitung ah eite pen Khasiangtho ading lampi (Channels). bang i hi a, hawak guam bang hilo in, Pasian nuntakna leh vangliatna a kikapna peuh ah kicing tak a a pia zo tuikholna bual bang hi ding hi.

#### (i) **A niin, a kekseu Hai:**

Tui duh khat peuh hi bang hai tawh cikmah in tui suah ngei lo ding hi teh! Hai pen a kizat theih nading in siangtak in kisilsiangin a kikoih ding kikap hi. Mitampite in a nuntakna uh hai niin tawh kibang ahihman in a sung vua Khasiangtho vangliatna thei lo uh hi. Tuate pen hoih tak a, suksiang ding kikap a, Khasiangtho a siang ahih mah bang in tui siang a kisun ma in a sianga sawp ding ahi hi. I sunglam a a nin khempeuh pen sawpsiang i om theih nading in Zeisu tungtawn in Pasian in hih thu piang theisak hi. Pawl khatte a pua lam ah gen bang lo tawh kibang a, ahi zong eite khempeuh in i lungtang sungtawng ah a sian ding kikap hihang (I Samuel 16:7).

#### (ii) **A khang Hai:**

Mikhat peuh hai khang ( a kitam dektak). tawh tui dawn sak ding mangin zong man kha ngei lo ding hi teh. Tua bang hai pen paimang kha ding hi teh. Aih hang Pasian in tua cih ngei lo hi. Tua a khang pen phop (Damsak). hi. Mi tam pite in a nau leh amau na khat peuh aihkeh mi khat peuh tungah kihongkhia thei lo bang in kingaihsun hi. Banghang hiam cihleh amau a khangte ahih lam uh kithei cian mahmah uh hi. Nuntakna leh kiim leh pam dinmunte in tua bang mite nakpitak in sugawp kha zel a,



a dam kik/a hoih kik theilo ding bang tawh kibang lel hi. Pasion in ama vangliatna tawh tuate lawng in hoih kik sak thei hi (Matt. 9:12). Zeisu mahmah in zong leitung ah na a sep lai in tua bang a khang te, natna thuak te, dam lo te, lungzuang khua ngai a, khasiat na neite dam kiksak hi. Zeisu in amaute Pasion vangliatna tungsak thei a, damsak thei hi. Tuate in damna a ngah uh teh tua bang a a buaina uh leh haksatnate ah a nuntak dinguh a kisam nawn lo dingin Zeisu in thahatna thak tawh Pasion vangliatna sungah sawlkhia hi. Pasion in eite adingin zong tua bang sem nuam hi. Singlamteh leh Zeisu thawhkikna vangliatna sungah damna leh mawhmaisakna hong pia nuam hi. Tua khit ciangin i hun leh nite sungah Zeisu nasep i zop suak theih nading in Khasiangtho tungtawn in ama nuntakna leh a vangliatna hong dim nuam hi (Jn. 14:12).

**(iii) A kibungbu koih Hai:**

Cikmah hunin a kibungbu koih hai sungah tui dim ngei lo ding hi teh. Pasion in eite ama ading hong dipna ding i kihon ding pen ei thu hi. ahi ding bang a i din ding kisam hi. Pasion Khasiangtho ngah nopna lungsim i neih ding kisam hi. Khasiangtho in zawh thawh thu in i nuntakna sungah hong lut lo ding hi.

Haite pen dip ding a kibawl hi. Tui tawh a kidim ngei lo hai khat pen amah a kibawl na ngimna a tangtun ngei ahi hi. Eite zong dip ding a hong kibawl hi. Khasiangtho tungtawn in Pasion vangliatna tawh kidim na a nuntakna vuah a thei kha ngei nai lote zong amaute a kipian sak na ngimna a tangtun ngei lo uh ahi hi.

**d) Ngen in Na ngah ding hi.**

Khasiangtho nasep pen Pasion tungah i kihon nading, i lungtang sungah Pasion tui duh a i duh nading hong bawl ding ahi hi. Ama tungah i kiko teh i dangtakna Pasion in hong khamsak hi (Jn. 7:37-34). Paul in ama laigelh a simte tungah Khasiangtho tawh kidim ding hanthawn hi (Eph. 5:18).. Kammal cil Greek ah hih thugenna ii a khatna taktak pen 'kha tawh kidim a i pai toh suak ding' cih na hi. Hih kidim na pen nungzui hih nu leh teci panna ah i nisim vangliatna leh thahat nading nak ahi hi. Eite sinkhakna pen kicing lo hi.

A tawntung Khasiangtho in ama vangliatna i ngetna in i nuntakna ah tua vangliatna i kisapna hong kiphawk sak hi. Na nuntakna ah amah n kisap leh Khasiangtho tawh hong dip nading banghang in Pa kiang ah ngen lo na hiam? Pasion in bang bang sem khaphial ta leh lau kei in. Pasion in launa lungsim eite hong pia lo a, vangliatna leh itna leh lungsim kician hong pia hi." (2Tim. 1:7 NIV)

Nang le nang Pasion tungah kihong in; Nang tungtawn in Khasiangtho huih nungsak in. Pasion na mitsuan leh a hoih lo a sia na khat peuh amah in hong pia ngei lo ding hi (Lk. 11:9-13). Zeisu leh na vangtung Pa tungah na lungsim teng koih in la, hong piak bangbang a ngah dingin kihong in. Na kha, na lungsim Pasion vangliatna tawh na nuntakna kidim sak in. Ama hong pai pih letsongte sang in la, Pasion vangliatna sungah koi ci phatding, koici biakding, koici teci pan ding cih sin in.

Hih in phattuumna hong piak leh, zong hong pia ngei ding hi. Khasiangtho tawh kidimna banghiam cih a theisa mi khat peuh zong in la, thungen khawm in. Na lu tungah a khut uh hong nga thei, zong hong nga lo thei hi. A khut hong ngak leh lau kei in. Banghanghiam cihleh nungzui masate in mitampite in Khasiangtho a ngah theih nading vua thu a ngetsak zia uh ahi hi (Acts 8:14-17; Acts 19:6). Nang thu in zong thu ngen thei hi teh. A nuai a bang a thu ngetna bang dam khat ngen ziau thei hi teh. Na vangtung Pasion in na thungetna hong za in, hong dawng ding a, Khasiangtho tawh na kidim ding hi.



e) **Thungetna mawkmawk khat**

"Kong it Pa aw, a ngen khempeuh in ngah ding cihleh, a zong khempeuh in mu ding cih kamciam hang in nuam ing. Ka nuntakna ah na vangliatna ka kisap bek lam ka thei hi. Ka nuntakna ah Khasiangtho gah ka kisapbeh lam ka thei hi. Pa aw, na mai ah ka mawhna kong pulak hi. Lei tung a hong khial khempeuh ka mai sak a, Zeisu Sisan tungtawn in ka nuntakna nong sawpsiang ding kong ngen hi. Nang tungah ka nuntakna a vek in kong ap hi. Tu mahmah in vangliatna tawh ka nuntakna sungah na Khasiangtho hong sawl in. Zeisu min tawh kong ngen hi. Amen.

f) **Dotnate leh Kikupnate**

1. Kha tawh kidim na sungah hong makaih ding nuntakna hong khak tan Laisiangtho sung a thu pawl khat; thu man loh na (Acts 5:32).. Kiphatsakna (1Pet. 5:5).. Up zawh lohna (Heb. 11:6). Lungsim siatna (Acts 8:18-24).te hi. A dang pawl khat, a diak diak in na nuntakna sung mahmah ah na ngaihsun thei hiam?
2. A khatvei na kidimna aih keh Khasiangtho tawh dipkikna na kisam hiam? Don lo in om kei in. Na vangtung pa Kiang pan ngen inla, ngah in.
3. Banghang in Christian tampite in Khasiangtho tawh kidim na a kisam lo in kingaihsun uh hiam? Kam kum in.
4. Pa Pasion in eite hong deih bangin (Zeisu sep bangin). leitung kisapnate Khasiangtho tawh kidim lopi in (Zeisu bang a kidim ding). koi ci piak theih ding i hi hiam? Jn. 14:12 na sim khit teh kam kum in.
5. Khasiangtho tawh kidim ding ciangin Pasion in eite robot(setzuh). tawh a kibang dingin hong kheel hiam, aih keh ama hong koihna dinmun khempeuh pen ama deihna i sep nading i teel ding hong deih hiam?

g) **Tomlakna leh Zatpahna**

1. Zeisu nungzui .man i hih nading leh i vantung Pa in i sep ding a hong sawl peuh peuh i sep nading in a tawntung a Khasiangtho tawh kidim ding pen kisam hi.
2. Khasiangtho dip nuntakna gennopna pen kha bangzah nei ka hiam cih hilo hi. Bang hang hiam cihleh amah a vek in ka nei hi. Ahizong in amah in kei bang zah hong nei hiam cih hizaw hi.
3. Mite pen Pasion vangliatna kidim na a luantheih nading in Khasiangtho tawh kidim dingin Pasion in bawl hi.
4. Khasiangtho tawh i kidim theih nading in eite in kiginkholhna, sianthona, a baihsa leibel i hih ding kisam hi.
5. Pa Pasion in a ngen khempeuh in Khasiangtho ngah ding hi ci in hong kamciam hi.